

「國家社會科學基金重大項目」

何建明 主編

中國地方志
佛道教文獻匯纂

人物卷

(50)

國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷
(50)



國家圖書館出版社

中國地方志佛道教文獻匯纂·人物卷

浙江省 溫州市

溫州府志

明·張孚敬纂修

明嘉靖十六年（一五三七）刻本

人物

梁

陶弘景

潯陽人劉宋末為諸王侍讀齊永明中脫朝

嘉安固山中樓止舊與梁武帝善及即位

言問不絕時號山中宰相卒謚貞白先生

中國地方志佛道教文獻匯纂·人物卷
浙江省 溫州市

溫州府志

明·劉芳譽 林繼衡等修 王光蘊等纂
明萬曆三十三年（一六〇五）刻本

方技附

〔宋〕

僧釋仁永嘉人善畫一夕夢看龍四百條自是臻
於神妙每醉揮墨醒後乃補之形狀極於奇恠嘗
顧竹壁取拭盤濡墨灑其上來日少增修爲狂根
枯卉人服其神

見沈括
筆談

僊釋附

三國朱孺子逸其名永嘉人幼師道士王玄真吳末居大若巖下服菊花及餌黃精十餘年後遇西歸子於山中授以要言遂入石室嘗於溪畔見二花犬逐之入枸杞叢下遂與玄真斲其地得枸杞根類犬煮之玄真命孺子候火凡三晝夜孺子取其汁飲之及熟玄真始取食孺子飛立前峯舉首謝玄真而去玄真獨居巖西陶山後不知所終

晉劉根永嘉人隱積穀山飛霞洞嘗乘赤霞至天

台赤城訪紫靈君舊傳有孺子鬻糖遇一道人引
之入洞見臺閣森嚴二人對奕歸家語其母母方
姪亦隨子往視之至則巖壁合矣

梁陶弘景丹陽秣陵人齊高帝作相引爲諸王侍
讀奉朝請永明十年脫朝服掛神武門上表辭祿
歷江左諸名山至永嘉安固山中棲止與梁武帝
有舊及卽位書問不絕冠蓋相望給黃金硃砂等
物與之後合飛丹色如霜雪服之體輕帝益重之
賜以鹿皮巾屢聘不至惟畫兩牛以獻一散放水

草間一著金籠頭有人執繩以杖驅之帝笑曰此
欲爲曳尾之龜豈可致之國家有大事無不咨詢
日中常數訊時號山中宰相今猶以山相名其里
以姓名其山性愛松風每聞其響欣然而樂今真
誥巖白雲嶺皆其遺跡卒諡貞白先生

馬湘號自然杭之鹽官人隱于商至安固卜居西
峴下每有紫霞覆其居一日與其徒王延叟煉藥
於松山西壑時有雙鶴翔舞遂跨鶴上昇今丹竈
井曰存焉

唐傳隱遙永嘉人吳末爲道士愛大若巖靈勝結菴以居辟穀脩煉至調露元年上昇今有登仙石葉後已字歸仁咸通間爲道士操行精潔居郡西西華洞歲旱郡守命禱而雨乾寧元年郡奏其行業昭宗賜以紫衣書玉清觀額以寵之

宿覺禪師姓戴氏居帆游鄉少精天台止觀圓妙法門後往曹溪叅六祖一語覺悟信宿別去時謂之宿覺卒葬松臺山李邕作神道碑云無證無脩不離此心而得佛或默或語未嘗有法以示人世

稱覺禪師佛學自六祖以來師方頗衆顯者三人
南岳懷讓清源行思永嘉宿覺也懷讓之下有馬
祖南泉趙州臨濟行思之下有石霜藥山雲門曹
溪諸派宿覺之下獨無傳唯證道歌行於世元和
中郡守杜賁發墳視之遺體如故因爲營塔名淨
光後守朱褒上其事僖宗賜諡無相大師

洪楚永嘉人雲教寺禪師初會昌中寺例廢師戒
行高峻宗旨貫通大順間晝夜講誦經法陸地忽
生蓮花每有靈蛇蟠座下聽法刺史朱褒異之聞

于朝有旨復置寺

玄機瑞安人宿覺禪師女弟也咸通間築菴大日山坐禪往叅雪峯禪師師問從何來荅曰從大日山來師問日出也未荅曰日若出時鎔了雪峯言下契悟後往溫州淨光寺倒立而化宿覺喝曰汝生也顛倒死也顛倒乃仆殯後一夕大雷電柩忽不見尋之則在大日巖竇因名其巖曰機巖

五代德倫永嘉人世稱錐刀尊者嘗以錐刀自隨人有丐之者曰汝無錐刀從我覓耶此刀墮地則

天下太平未幾錢氏納土人以爲驗曾開城內西河卽今新河

願齊姓江氏錢塘人初同吳越王叅詔國師因禮宿覺塔尋往南鴈蕩山結茅其間嘗上堂僧問夜月舒光爲甚麼碧潭無影師曰作麼美影其僧從東過西立師曰不惟美影無乃怖頭見傳燈錄

宋李少和永嘉人世居大羅山聞白石洞爲鬼墟曰吾嘗東望綵雲覆其上必佳山也乃獨造萬仞之巔宴坐空洞鬼物咸屏太宗眞宗屢召見賜齋

其厚仍賜白石巖額天禧五年八月十八日焚香
危坐命門人取紙筆書曰寶珠探得真宗五色
分明煥太空解下連環竟超越鬱羅深處冥鴻濛
擲筆而逝

全了鴈蕩山能仁寺祖師永嘉人太平興國元年
游方至荊門玉泉山遇天竺僧言汝緣在浙東當
得名山居之了詰其所曰地以花名山以鳥名二
年歸至山下問其村曰芙蓉山曰鴈蕩因感悟結
菴曰芙蓉曰古塔自後僧行亮菴于安禪文吉菴

于碧霄皆自全了發云

張無夢永嘉開元觀羽士真宗召對講易謙卦上
曰獨說謙卦何也對曰方大有時宜守之以謙復
命講還元篇敷對詳明真宗悅賜詩寵其還山

柯可崇永嘉列真觀道士隱青嶂山架巖鑿石爲
觀廼陶貞白舊隱有煉丹井石棋枰具存可崇每
造絕頂築凌霄菴以居導引辟穀猛虎馴伏其旁
後得道尸解

信南樂清人爲開元白鶴二寺祖師景祐二年詣

都上郊禮頌表乞藏經許之因進聖德詩賦及所業詩文乞畧親鳳宸一望龍顏然後還山上賜對訪以鄉里曰臣所居乃王子晉吹簫之地張文君入竹之鄉上曰是溫之樂成僧也賜號文英大師仍賜大藏經并三朝御書以歸

林靈素初名靈噩字歲昌永嘉人母姪二十四月忽夜夢神人袍帶執火筆指腹曰暫借此居次日乃生五歲不能言一日有道士踵門求見附耳語移頃忽失笑而語自是日記萬言吐辭成文嘗侍

蘇子瞻游瑞佛寺覽碑記數萬言過目成誦蘇大
奇之入蜀道遇真人趙昇得神霄大法政和三年
至京寓東太乙宮徽宗夢跨白龍游神霄宮會靈
醮騎青牛入覺而異之命徐知常訪神霄事知常
以靈醮應上召問視狀類如夢中所見遂賜名靈
素號金門羽客沖虛通真達靈玄妙先生嘗侍宴
太清樓下見元祐奸黨碑靈素稽首上帷間之對
曰碑上姓名皆天上星宿敢稽首因爲詩曰蘇黃
不作文章客童蔡翻爲社稷臣三十年來無定論